



Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 39. Ecclesiæ Bremensis & Hamburgensis conjunguntur.

[urn:nbn:de:hbz:466:1-66103](#)

Sæculum IX. deinde ad S. Petrum reductus, Imperator A. C. 858. tore præsente consecratur iterumque in folio collocatur, ubi Missam supra Corpus S. Petri celebravit. Tandem in Palatium Patriarchale, omnibus inter Cantica spiritualia procedentibus, reversus, tota Civitate maximæ lætitiæ signa edente, vigesima quarta Aprilis coronatur. Post biduum mensæ Imperatoris assedit, qui cum deinde ad locum, quem Romani Quintum appellabant, fuisset profectus, eum Pontifex invisit, cui Augustus ad mille passus obviam pergens & ex equo desiliens stratoris vicem ipsi naverat. Ibi iterum Papa & Augustus simul cibum sumserunt. Tandem Imperator Pontificem magnis donis cumulatum & Roman revertentem aliqua viæ parte ex quo vectus comitatus est; antequam vero in diversa abirent iterum Cæsar equum, cui Papa insidebat, apprehenso frœno ad multos passus rexit.

§. XXXIX.

*Ecclesiæ Bremensis & Hamburgensis
conjunguntur.*

Adam. I. c. Sub initium Pontificatus sui, eodem anno octingentesimo quinquagesimo octavo, Nicolaus Papa conjunctionem Ecclesiarum Bremensis & Hamburgensis S. Anscharii commodo confirmavit. Nam cum Guntherium, postquam Sedes annis circi-

*17. Sup. n. 18
vit. S. Ansch.
n. 38.*

circiter decem vacasset, Archiepiscopum Sæculum IX.
 Colonensem ordinatum Anscharius ro- A. C. 858.
 gasset, ut in hanc conjunctionem con-
 sentiret, & ille summopere repugnaret,
 causa in Comitiis Wormatiæ anno octin-
 gentesimo quinquagesimo septimo in
 Quadragesima, duobus Regibus Ludo-
 vico & Nepote ipsius Lothario cum
 compluribus, utriusque Regni Episcopis *Ann. Ful.*
 præsentibus proposita est. Omnibus
 conjunctio probabatur, rogabantque
 Guntherium, ut eam ratam haberet.
 Ipse primum vehementer obſistere, quod
 diceret, legibus æquitatis adversari, si in
 Metropolim erigeretur Ecclesia sibi sub-
 jecta laſo Ecclesiæ ſuæ Metropoliticæ ju-
 re. Ad ultimum vero a Regibus & cun-
 ñis Episcopis rogatus edixit; si Papa
 hanc conjunctionem approbaret, ſe quo-
 que ſuo consensu accessurum. Quam
 conditionem omnes ejus Suffraganei ac-
 ceperunt. Lotharii vero Regis conſen-
 ſus ideo requirebatur, quod Civitas Co-
 loniensis in ejus Regno eſſet poſita.

Rex Ludovicus percepto Guntherii *n. 39.*
 Archiepiscopi responſo Romam misit Sa-
 lomonem Episcopum Constantiensem, &
 S. Anscharius, quia ipſe proficiſci non
 poterat, Nordfridum Presbyterum Disci-
 pulum ſuum. Benigniſſime excepti ſunt
 a Nicolao Papa, qui hanc conjunctionem
 Diocesium Ecclesiæ Catholicae &
 con-

Sæculum IX. conversioni Gentilium esse utilissimam
A. C. 858. judicans, datis literis eam confirmavit.

In iis rebus altius repetens dicit, Anscharii primum Archiepiscopum Nordalingorum constitutum, & Sedem ejus Auctoritate Gregorii IV. Papæ Hamburgi fixam. Quod Papa ratum habens eundem Legatum suum ad Evangelium prædicandum Suecis, Danis, Sclavis, aliisque populis vicinis missum declarat. Refert deinde causam, ob quam Rex Ludovicus Hamburgensi Episcopatum Bremensem unire voluerit; quod factum iterum confirmat, & jubet, ut imposternum ex duabus Diœcesibus una fiat, prohibens, ne deinceps Archiepiscopus Coloniensis quidquam juris in eam sibi ex peteret. Itaque accedente Summi Pontificis Auctoritate junctæ sunt duæ Ecclesiæ; quia vero Hamburgum a Normannis fuerat devastatum, Anscharius ejusque Successores ut plurimum Bremæ residencebant, seque non nunquam Episcopos Bremenses dicebant.

*Mabili. ob. 9.
to. 6. p. 77.*

§. XL.

Episcoporum Francicæ Epistolæ ad Ludovicum Regem.

*Ann. Fuld.
Bert. 858.*

Eodem anno octingentesimo quinquagesimo octavo Rex Ludovicus superato Rheno Franciam cum exercitu intravit, invitantibus permultis Optimis

tibus